



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԱԽԱԳԱՀԻ ԸՆՏՐՈՒԹՅՈՒՆՆԵՐ
18 ՓԵՏՐՎԱՐԻ 2013Թ.**

**ՎԱՐՉԱԿԱՆ ՎԱՐՈՒՅԹԸ
ԸՆՏՐԱԿԱՆ ՀԱՆՁՆԱԺՈՂՈՎՆԵՐՈՒՄ**

Սույն գրքույկը կազմվել է Հայաստանի Հանրապետության Ընտրական օրենսգրքի դրույթների և Կենտրոնական ընտրական հանձնաժողովի որոշումների հիման վրա: Այդուհանդերձ՝ գրքույկը չի կարող հանդիսանալ ՀՀ Ընտրական օրենսքրգքին և Կենտրոնական ընտրական հանձնաժողովի որոշումներին փոխարինող փաստաթուղթ:

This booklet is prepared based on the provisions of the Electoral Code of the Republic of Armenia and decisions of the Central Electoral Commission. Nevertheless, this booklet cannot be considered a document replacing the RA Electoral Code and the decisions of the Central Electoral Commission.

ԴԻՄՈՒՄՆԵՐԻ ԵՎ ԲՈՂՈՔՆԵՐԻ ՍՏԱՑՄԱՆ, ԳՐԱՆՑՄԱՆ, ՔՆՆԱՐԿՄԱՆ ԸՆԹԱՑԱԿԱՐԳԸ ՀԱՄԱՌՈՏ

Դիմում / բողոք

Դիմումը պետք է ստորագրված լինի դիմողի կողմից, ներառի դիմողի անունը, ազգանունը, փոստային հասցեն, տրման ամսաթիվը, հստակ սահմանի ներկայացվող պահանջը, պարունակի հիմնավորումներ:

Մուտքագրում ԿԸՀ կամ ԸԸՀ գրանցամատյանում

Ձևական սխալները շտկվում են: Եթե դիմումին կից փաստաթղթերի ցանկը ամբողջական չէ, ապա դիմողին առաջարկվում է ողջամիտ ժամկետում համալրել:

Նախագահը հասցեագրում է հանձնաժողովի անդամին

Հանձնաժողովի մյուս անդամները ստանում են դիմումի պատճենը: Եթե հանձնաժողովի որևէ անդամ վարչական վարույթը մերժելու առաջարկ չի ներկայացնում, ապա վարչական վարույթը համարվում է հարուցված:

Որոշման նախագիծ

Հանձնաժողովի յուրաքանչյուր անդամ իրավունք ունի դիմումի վերաբերյալ որոշման նախագիծ ներկայացնելու՝ հարցը հանձնաժողովի նիստում քննելու համար:

Հանձնաժողովի նիստ

Դիմումատուն ծանուցվում է դիմումի քննական օրվա և ժամի մասին: Հանձնաժողովի նիստում դիմումը քննարկվում է ըստ էության: Հանձնաժողովի նիստը համառոտ արձանագրվում է՝ անկախ վարույթի մասնակիցների ներկայությունից:

Վարչական ակտ

Դիմումի քննական արդյունքում կայացվում է որոշում: Վարչական վարույթի հարուցումը մերժելու դեպքում կայացվում է որոշում, որում նշվում են մերժման պատճառները և հիմքերը:

Հրապարակում

ԿԸՀ ընդունած վարչական ակտն ուժի մեջ է մտնում ԿԸՀ համացանցային կայքում ակտը տեղադրելու պահից, իսկ ԸԸՀ ընդունած վարչական ակտը՝ հանձնաժողովում այն տեսանելի տեղում փակցնելու պահից: Վարույթի մասնակիցները պաշտոնապես ծանուցվում են:

ՎԱՐՉԱԿԱՆ ՎԱՐՈՒՅԹԸ ԸՆՏՐԱԿԱՆ ՀԱՆՁՆԱԺՈՂՈՎՆԵՐՈՒՄ

Ընտրական հանձնաժողովում վարչական վարույթն իրականացվում է «Վարչարարության հիմունքների և վարչական վարույթի մասին» Հայաստանի Հանրապետության օրենքին համապատասխան, ընտրական օրենսգրքով սահմանված առանձնահատկություններով և ժամկետներում:



1

ՎԱՐՉԱԿԱՆ ՎԱՐՈՒՅԹԻ ՀԱՐՈՒՑՄԱՆ ՀԻՄՔԵՐԸ

- ◆ անձի դիմումը կամ բողոքը,
- ◆ վարչական մարմնի նախաձեռնությունը:



2

ՍՈՒԲՅԵԿՏՆԵՐԸ (ԱՅՆ ԱՆՁԻՆՔ ՈՎՔԵՐ ԻՐԱՎՈՒՆՔ ՈՒՆԵՆ ԴԻՄՈՒՄ ԿԱՄ ԲՈՂՈՔ ՆԵՐԿԱՅԱՑՆԵԼ)

1. Ընտրական հանձնաժողովի որոշումները, գործողությունները (անգործությունը) կարող է բողոքարկել՝
 - ◆ ՅՈՒՐԱՔԱՆՉՅՈՒՐ ՈՔ, եթե գտնում է, որ խախտվել կամ կարող է խախտվել իր սուբյեկտիվ ընտրական իրավունքը,
 - ◆ ՎՍՏԱՀՎԱԾ ԱՆՁԸ, եթե գտնում է, որ խախտվել են վստահված անձի կամ իր վստահորդի՝ ընտրական օրենսգրքով սահմանված իրավունքները,
 - ◆ ԴԻՏՈՐԴԸ, եթե գտնում է, որ խախտվել են դիտորդի՝ ընտրական օրենսգրքով սահմանված իրավունքները,
 - ◆ ՀԱՆՁՆԱԺՈՂՈՎԻ ԱՆԴԱՄԸ, եթե գտնում է, որ ստորադաս հանձնաժողովը կամ հանձնաժողովը, որի անդամն է ինքը, խախտել է իր կամ այլ անձանց՝ ընտրական օրենսգրքով սահմանված որևէ իրավունք:
2. Հանրապետության Նախագահի թեկնածուի գրանցումն անվավեր կամ ուժը կորցրած ճանաչելու դիմում կարող է ներկայացնել՝
 - ◆ միայն Հանրապետության Նախագահի թեկնածուն:
3. Հանրապետության Նախագահի ընտրությունների արդյունքները բողոքարկելու վերաբերյալ դիմում կարող է ներկայացնել՝
 - ◆ միայն Հանրապետության Նախագահի թեկնածուն:
4. Ընտրական տեղամասում քվեարկության արդյունքներն անվավեր ճանաչելու դիմում կարող են ներկայացնել՝



- ◆ Հանրապետության Նախագահի թեկնածուն
 - ◆ վստահված անձը, միայն այն դեպքում եթե ներկա է եղել տվյալ ընտրական տեղամասում,
 - ◆ համապատասխան տեղամասային ընտրական հանձնաժողովի անդամը, միայն այն դեպքում եթե արձանագրությունում կատարել է գրառում հատուկ կարծիք ունենալու մասին,
 - ◆ կենտրոնական ընտրական հանձնաժողովի անդամը:
5. Հանրապետության Նախագահի ընտրությունների արդյունքները անվավեր ճանաչելու մասին դիմում կարող է ներկայացնել՝
- ◆ միայն Հանրապետության Նախագահի թեկնածուն:

3

ԴԻՄՈՒՄ (ԲՈՂՈՔ) ՔՆՆՈՂ ԻՐԱՎԱՍՈՒ ՀԱՆՁՆԱԺՈՂՈՎԸ

1. Ընտրատարածքային ընտրական հանձնաժողով կարող են բողոքարկվել՝



- ◆ Տեղամասային ընտրական հանձնաժողովի որոշումները, գործողությունները (անգործությունը).
- ◆ ընտրական տեղամասում քվեարկության արդյունքները:

2. Կենտրոնական ընտրական հանձնաժողով կարող են բողոքարկվել՝

- ◆ Ընտրատարածքային ընտրական հանձնաժողովի որոշումները, գործողությունները (անգործությունը).
- ◆ Հանրապետության Նախագահի ընտրությունների ժամանակ ընտրական գործընթացի մասնակիցների գործողությունները (անգործությունը).

3. ՀՀ վարչական դատարան կարող են բողոքարկվել՝

- ◆ Կենտրոնական ընտրական հանձնաժողովի որոշումները, գործողությունները (անգործությունը).
- ◆ Ընտրատարածքային ընտրական հանձնաժողովների որոշումները, գործողությունները (անգործությունը):

4. ՀՀ Սահմանադրական դատարան կարող է բողոքարկվել

- ◆ Կենտրոնական ընտրական հանձնաժողովի՝ Հանրապետության Նախագահի ընտրության արդյունքների վերաբերյալ որոշումը:

ԸՆԴՀԱՆՈՒՐ ԺԱՄԿԵՏՆԵՐ



1. Քվեարկության օրվան նախորդող օրերի ընթացքում՝

- ♦ **Տեղամասային** ընտրական հանձնաժողովի ընդունած որոշումների, գործողությունների կամ անգործության մասին բողոքները կարող են ներկայացվել **ընտրատարածքային** ընտրական հանձնաժողով **օրացուցային 2 օրվա ընթացքում** այն օրվանից, երբ դիմողն իմացել է կամ ողջամտորեն պարտավոր էր իմանալ խախտման մասին:

2. Քվեարկության օրվա ընթացքում՝

- ♦ **Տեղամասային** ընտրական հանձնաժողովի ընդունած որոշումների, գործողությունների կամ անգործության մասին բողոքները կարող են ներկայացվել համապատասխան ընտրատարածքային ընտրական հանձնաժողով **քվեարկության օրը կամ քվեարկության հաջորդ օրը՝ ժամը 12.00-ից մինչև ժամը 18.00-ն:**
- ♦ **Ընտրատարածքային** ընտրական հանձնաժողովի ընդունած որոշումների, գործողությունների կամ անգործության մասին բողոքները կարող են ներկայացվել **կենտրոնական** ընտրական հանձնաժողով **օրացուցային 3 օրվա ընթացքում** այն օրվանից, երբ դիմողն իմացել է կամ ողջամտորեն պարտավոր էր իմանալ խախտման մասին:

ՀԱՏՈՒԿ ԺԱՄԿԵՏՆԵՐ

1. Ընտրական տեղամասում **քվեարկության արդյունքներն անվավեր ճանաչելու դիմում** համապատասխան ընտրատարածքային ընտրական հանձնաժողով կարող է ներկայացվել **միայն քվեարկության հաջորդ օրը՝ ժամը 12.00-ից մինչև ժամը 18.00-ն:**



2. **Ընտրության արդյունքները անվավեր ճանաչելու մասին դիմում** Կենտրոնական ընտրական հանձնաժողով կարող է ներկայացվել ընտրության արդյունքներն ամփոփելու համար ընտրական օրենսգրքով սահմանված համապատասխան ժամկետի ավարտից ոչ ուշ, **քան 2 օր առաջ՝ մինչև ժամը 18.00-ն:**

3. Հանրապետության Նախագահի թեկնածուի՝

- ♦ **գրանցումն ուժը կորցրած ճանաչելու մասին դիմում** կարող է ներ-

կայացվել մինչև քվեարկության օրը:



Այս (3-րդ) կետում նշված ժամկետների ավարտից հետո ընտրական հանձնաժողովներում ստացված դիմումների ընթացքը որոշվում է ընտրությունների արդյունքներն ամփոփելուց հետո:

Եթե դիմում(բողոք) փախու համար սահմանված է վերջնաժամկետ, ապա դիմումը համարվում է պատշաճ ժամկետում ներկայացված, եթե այն մինչև վերջնաժամկետը մուտքագրվել է համապատասխան ընտրական հանձնաժողով:

5

ՈՐՈՇՈՒՄՆԵՐԻ ԸՆԴՈՒՆՄԱՆ ԺԱՄԿԵՏՆԵՐ

Հանրապետության Նախագահի ընտրության օրվա մասին կենտրոնական ընտրական հանձնաժողովի նախագահի հաղորդագրությունից հետո՝ մինչև ընտրությունների արդյունքների ամփոփումը, ընտրական հանձնաժողովները նախատեսված բողոքներին և դիմումներին պատասխանում, դրանց վերաբերյալ որոշումներ ընդունում են հնգօրյա ժամկետում, բայց ոչ ուշ, քան համապատասխանաբար մինչև քվեարկության նախորդ օրը կամ մինչև ընտրությունների արդյունքների ամփոփումը:



6

ԴԻՄՈՒՄՆԵՐԻ և ԲՈՂՈՔՆԵՐԻ ԱՏԱՑՄԱՆ, ԳՐԱՆՑՄԱՆ, ՔՆՆԱՐԿՄԱՆ ԸՆԹԱՑԱԿԱՐԳ

1. Ստացված բոլոր դիմումները և բողոքները ստացվում և մուտքագրվում են հանձնաժողովի համապատասխան գրանցամատյանում, դրանց տրվում են մուտքի համարներ:

2. ա/ դիմումը պետք է՝

- ◆ ստորագրված լինի դիմողի կամ բողոք բերողի կողմից,
- ◆ ներառի դիմողի (բողոք ներկայացնողի) անունը, ազգանունը, փոստային հասցեն, տրման ամսաթիվը,
- ◆ հստակ սահմանի ներկայացվող պահանջը,
- ◆ պարունակի հիմնավորումներ:

Հնարավոր բոլոր ապացույցները պետք է կցվեն դիմումին կամ բողոքին:

բ/ դիմումը կարող է ներառել նաև դիմումատուի էլեկտրոնային կապի



որևէ միջոցի տվյալները (հեռախոսահամարը, էլեկտրոնային հասցեն և այլն):

3. Դիմումատուի վերաբերյալ տվյալներ չներառող կամ կեղծ տվյալներ ներառող դիմումները չեն քննարկվում: Նշված դիմումների ուսումնասիրման արդյունքում հանձնաժողովը կայացնում է պատճառաբանված **որոշում վարչական վարույթը կարճելու մասին**:

4. Եթե դիմումում առկա են ձևական սխալներ, որոնք կարող են շտկվել, ապա ընտրական հանձնաժողովը հնարավորություն է ընձեռում շտկելու այդ սխալները, կամ ինքն է շտկում դրանք՝ նախապես կամ հետագայում դիմողին իրազեկելով այդ մասին:

Եթե դիմումին կից փաստաթղթերի ցանկն ամբողջական չէ, ապա ընտրական հանձնաժողովը դիմողին առաջարկում է ողջամիտ ժամկետում համալրել այն: Ժամկետը սահմանվում է այն հաշվով, որպեսզի դիմողը հնարավորություն ունենա վերացնելու թերությունները, իսկ հանձնաժողովն էլ ընտրական օրենսգրքով սահմանված ժամկետի պահպանմամբ պատշաճորեն քննի դիմումը (բողոքը):

5. Եթե դիմումը կամ բողոքը ստացվել է՝

- ♦ ա/ ոչ իրավասու սուբյեկտի կողմից.
- ♦ բ/ սահմանված ժամկետների խախտումով.
- ♦ գ/ այլ ցանկացած թերությունով,

ապա դիմումը կամ բողոքը ստանալու ժամանակ դրանք չեն կարող հիմք հանդիսանալ դիմումը կամ բողոքը չստանալու կամ մատյանում չմուտքագրելու համար: Ցանկացած դեպքում դիմումը պետք է ստացվի ու մուտքագրվի:

6. Դիմումը կամ բողոքը մուտքագրվելուց անմիջապես հետո հանձնաժողովի նախագահը հասցեագրում է հանձնաժողովի անդամին, իսկ պատճենը տրամադրում է հանձնաժողովի մնացած անդամներին:

Հանձնաժողովի յուրաքանչյուր անդամ իրավունք ունի դիմումի (բողոքի) վերաբերյալ որոշման նախագիծ ներկայացնելու՝ **հարցը հանձնաժողովի նիստում քննարկելու համար**:

Եթե հանձնաժողովի որևէ անդամ վարչական վարույթի հարուցումը մերժելու մասին **որոշման նախագիծ չի ներկայացնում**, ապա վարչական վարույթը համարվում է հարուցված:

Այդ դեպքում հանձնաժողովն իր նիստում պետք է **ըստ էության** քննարկի դիմումը (բողոքը) և կայացնի որոշում:

7. Վարչական վարույթ իրականացնող ընտրական հանձնաժողովի անդամը ինքնաբացարկ հայտնելու իրավունք չունի:
8. Հանձնաժողովի նիստը համառոտ արձանագրվում է՝ անկախ վարույթի մասնակիցների ներկայությունից:
 - ◆ Վարչական վարույթի հարուցումը մերժելու մասին հանձնաժողովը կայացնում է որոշում, որում նշվում են մերժման պատճառներն ու հիմքերը:
 - ◆ Դիմումի (բողոքի) քննարկումը տեղի է ունենում հանձնաժողովի նիստում, որի արդյունքում հանձնաժողովը կայացնում է որոշում:
 - ◆ Տեղեկատվություն ստանալու մասին դիմումները հանձնաժողովի նիստում չեն քննարկվում: Դրանց պատասխանը ուղարկվում է հանձնաժողովի նախագահի ստորագրությամբ, պատասխանի օրինակը տրամադրվում է հանձնաժողովի անդամներին:

Եթե պահանջվող տեղեկատվությունը կամ փաստաթղթի օրինակը ներբեռնելու հնարավորությամբ տեղադրված է ԿԸՀ համացանցային կայքում, ապա դիմումատուին ուղարկվող պատասխանում նշվում է այդ մասին և նրան դրանցից պատճեններ կամ քաղվածքներ չեն տրամադրվում:

Եթե մինչև դիմումի (բողոքի) քննարկումը կամ քննարկման ժամանակ, մինչև հանձնաժողովի կողմից որոշում ընդունելը, դիմողը (բողոք ներկայացնողը) գրավոր ձևով հրաժարվում է իր դիմումից (բողոքից), բացառությամբ վերահաշվարկի դիմումների, հանձնաժողովը որոշում է կայացնում դիմումով (բողոքով) վարչական վարույթը կարճելու մասին:

7 ԴԻՄՈՒՄԻ (ԲՈՂՈՔԻ) ՔՆՆԱՐԿՄԱՆ ՄԱՍԻՆ ԾԱՆՈՒՑՈՒՄԸ

1. Կենտրոնական ընտրական հանձնաժողովում դիմումի (բողոքի) քննարկման մասին դիմումատուն ծանուցվում է դիմումի (բողոքի) քննարկման օրվա և ժամի մասին հանձնաժողովի համացանցային կայքում տեղեկություն տեղադրելու միջոցով:



Եթե դիմումում (բողոքում) նշված է էլեկտրոնային կապի որևէ միջոց՝ հեռախոսահամար, էլեկտրոնային փոստային հասցե (այսուհետ՝ էլեկտրոնային կապի միջոց), ապա դիմումատուն (բողոք ներկայացնողը) **տեղեկացվում է նաև** այդ միջոցով:

ԾԱՆՈՒՑՈՒՄ ԴԻՄՈՒՄԻ (ԲՈՂՈՔԻ) ՔՆՆԱՐԿՄԱՆ ՄԱՍԻՆ

«...» 20...թ



Դիմումատու (բողոք ներկայացնող)

.....

Քաղաքացի-ի կողմից Հայաստանի Հանրապետության Կենտրոնական ընտրական հանձնաժողով ներկայացված 20...թ. թիվ դիմումի (բողոքի) քննարկումը տեղի կունենա՝ 20...թ.-ի-ին ժամը՝-ին Հայաստանի Հանրապետության Կենտրոնական ընտրական հանձնաժողովի նիստում՝ հասցեն Հայաստանի Հանրապետություն, ք. Երևան, Գ. Քոչարի 21ա:

(Ներկայանալ անձը և (կամ) լիազորությունները հաստատող փաստաթղթերով):

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ

2. Ընտրատարածքային ընտրական հանձնաժողովում դիմումի (բողոքի) քննարկման մասին դիմումատուն (բողոք ներկայացնողը) համարվում է ծանուցված դիմումի (բողոքի) քննարկման օրվա և ժամի մասին հանձնաժողովում բոլորի համար տեսանելի տեղում տեղեկություն փակցնելու **դեպքում:**

Եթե դիմումում (բողոքում) նշված է էլեկտրոնային կապի որևէ միջոց, ապա ծանուցումը կհամարվի պատշաճ հանձնաժողովում բոլորի համար տեսանելի տեղում տեղեկություն փակցնելու և դիմումում նշված **էլեկտրոնային** կապի միջոցով դիմումատուին տեղեկացնելու դեպքում:

ԹԻՎ ԸՆՏՐԱՏԱՐԱԾՔԱՅԻՆ ԸՆՏՐԱԿԱՆ ՀԱՆՁՆԱԺՈՂՈՎ

ԾԱՆՈՒՑՈՒՄ ԴԻՄՈՒՄԻ (ԲՈՂՈՔԻ) ՔՆՆԱՐԿՄԱՆ ՄԱՍԻՆ

«...» 20...թ



Դիմումատու (բողոք ներկայացնող)

.....

Քաղաքացի-ի կողմից Թիվ Ընտրատարածքային ընտրական հանձնաժողով ներկայացված 20...թ. թիվ դիմումի (բողոքի) քննարկումը տեղի կունենա՝ 20...թ.-ի-ին ժամը՝-ին Թիվ Ընտրատարածքային

ընտրական հանձնաժողովի նիստում՝ հասցեն Հայաստանի Հանրապետություն, քաղաք....., փողոց....., շենք....., հարկ....., սենյակ.....:

Թիվ Ընտրատարածքային ընտրական հանձնաժողովի նախագահ

կ. տ.

8 ԴԻՄՈՒՄԱՏՈՒԻ (ԲՈՂՈՔ ՆԵՐԿԱՅԱՑՆՈՂԻ) ԻՐԱՎՈՒՆՔՆԵՐԸ

Դիմումատուն (բողոք ներկայացնողը) իրավունք ունի՝

- ա) մասնակցելու հանձնաժողովի նիստում իր դիմումի (բողոքի) քննարկմանը.
- բ) ներկայացնելու հիմնավորումներ.
- գ) դիմումի (բողոքի) շրջանակներում հարցեր տալ զեկուցողին.
- դ) ելույթ ունենալ:

Դիմումատուն (բողոք ներկայացնողը) իրավունք չունի՝

- ♦ հայտնելու բացարկ հանձնաժողովի կազմին կամ հանձնաժողովի անդամին:

Ընտրությունների ժամանակահատվածում, աշխատանքային ծանրաբեռնվածությունից ելնելով, վարչական վարույթի մասնակիցները վարչական վարույթի նյութերին ծանոթանում են վարույթն իրականացնող ընտրական հանձնաժողովում՝ այդ վարույթով հրավիրված նիստից առաջ:



ԿԱՍԵՑՈՒՄ

Ընտրությունների ժամանակահատվածում վարչական վարույթը չի կարող կասեցվել:

9 ՎԱՐՉԱԿԱՆ ՎԱՐՈՒՅԹԻ ՀԱՐՈՒՑՈՒՄԸ ՄԵՐԺԵԼՈՒ ՀԻՄՔԵՐԸ

Ընտրական հանձնաժողովը կարող է կայացնել վարչական վարույթի հարուցումը մերժելու մասին որոշում, եթե գտնում է, որ ներկայացված բողոքը կամ դիմումը չի համապատասխանում ընտրա-



կան օրենսգրքի 46-րդ հոդվածի պահանջներին:

Վարչական վարույթի հարուցումը մերժելու հիմքերն են՝

- ◆ եթե դիմումը կամ բողոքը ներկայացվել է նման իրավունք չունեցող անձի կողմից: Այդ անձանց ցանկը նշված է II գլխում:
- ◆ եթե դիմումը (բողոքը) ներկայացվել է սահմանված ժամկետի ավարտից հետո: Այդ ժամկետները նշված են IV գլխում:
- ◆ եթե դիմումը կամ բողոքը հասցեագրվել է ոչ իրավասու ընտրական հանձնաժողովին: Այն ընտրական հանձնաժողովին, որին չի կարող նման դիմում (բողոք) հասցեագրվել (տես III և IV գլուխները):

10 ՀԱՆՁՆԱԺՈՂՈՎՆԵՐԻ ԸՆԴՈՒՆԱԾ ՎԱՐՉԱԿԱՆ ԱԿՏԻ ՈՒԺԻ ՄԵՋ ՄՏՆԵԼԸ



1. Կենտրոնական ընտրական հանձնաժողովի ընդունած վարչական ակտն ուժի մեջ է մտնում նիստում հրապարակվելուց հետո՝ հանձնաժողովի համացանցային կայքում տեղադրելու պահից:

Այդ ակտը համացանցային կայքում տեղադրելուց հետո վարույթի մասնակիցներին ուղարկվում է կարճ հաղորդագրություն վարչական ակտի ընդունման մասին, եթե դիմումում (բողոքում) նշված է էլեկտրոնային կապի որևէ միջոց:

2. Ընտրատարածքային ընտրական հանձնաժողովի ընդունած վարչական ակտն ուժի մեջ է մտնում նիստում հրապարակվելուց հետո՝ հանձնաժողովում բոլորի համար տեսանելի տեղում ակտի օրինակը փակցնելու պահից:

Վարույթի մասնակիցներին ուղարկվում է կարճ հաղորդագրություն վարչական ակտի ընդունման մասին, եթե դիմումում (բողոքում) նշված է էլեկտրոնային կապի որևէ միջոց:

3. Կենտրոնական կամ Ընտրատարածքային ընտրական հանձնաժողովի վարչական ակտն ընդունելուց հետո՝ **եռօրյա ժամկետում**, ուղարկվում է վարչական վարույթի մասնակիցներին՝ առաքման անդորրագիրը կցելով գործին, եթե այդ ակտը վարույթի մասնակիցները հանձնաժողովում չեն ստացել:



1. Ընտրական տեղամասում քվեարկության արդյունքների վերահաշվարկի մասին դիմում կարող է ներկայացվել միայն **համապատասխան ընտրատարածքային ընտրական հանձնաժողով քվեարկության հաջորդ օրը՝ ժամը 12.00-ից մինչև ժամը 18.00-ն:**
2. **Քվեարկության արդյունքների վերահաշվարկի դիմում կարող է ներկայացնել՝**
 - ◆ **թեկնածուն, *եթե անձամբ ներկա է եղել*** ընտրական տեղամասում քվեարկության արդյունքների ամփոփմանը,
 - ◆ **վստահված անձը, *եթե անձամբ ներկա է եղել*** ընտրական տեղամասում քվեարկության արդյունքների ամփոփմանը,
 - ◆ **տեղամասային ընտրական հանձնաժողովի անդամը՝** ընտրական տեղամասում քվեարկության արդյունքների վերաբերյալ արձանագրությունում քվեարկության արդյունքների ամփոփման կարգի վերաբերյալ *հարուկ կարծիք ունենալու մասին գրառում կատարելու դեպքում:*
3. **Վերահաշվարկի** դիմումը պետք է՝
 - ◆ ստորագրված լինի դիմողի կողմից,
 - ◆ ներառի դիմողի անունը, ազգանունը, փոստային հասցեն,
 - ◆ այն ընտրական տեղամասի համարը, որում պահանջվում է կատարել վերահաշվարկ:

Դիմումին կարող են կցվել քվեարկության արդյունքների սխալ ամփոփման ապացույցներ:
4. Ընտրատարածքային ընտրական հանձնաժողովը վերահաշվարկի դիմումները գրառում է գրանցամատյանում՝ ըստ ստացման հերթականության՝ նշելով ստացման ժամանակը:

Քվեարկության արդյունքների վերահաշվարկը կատարվում է ընտրական օրենսգրքի 48-րդ հոդվածով սահմանված կարգով:

Դիմումատուի հրաժարվելը քվեարկության արդյունքների վերահաշվարկի դիմումից հիմք չէ վերահաշվարկ չիրականացնելու համար:



ՎԵՐԱՀԱՇՎԱՐԿՆԵՐԻ ԴԵՊՔՈՒՄ ԴԻՄՈՒՄՆԵՐԻ ՄԵՐԺՈՒՄԸ

Ընտրատարածքային ընտրական հանձնաժողովը մերժում է ընտրական տեղամասի քվեարկության արդյունքների վերահաշվարկի մասին դիմումը և վերահաշվարկ չի իրականացնում, եթե պահանջվել է քվեարկության արդյունքների վերահաշվարկի իրականացում ՀՀ ընտրական օրենսգրքի 48-րդ հոդվածի դրույթների խախտումով:

12 ԸՆՏՐԱԿԱՆ ԻՐԱՎՈՒՆՔԻ ԴԱՏԱԿԱՆ ՊԱՇՏՊԱՆՈՒԹՅՈՒՆԸ



1. Հանրապետության Նախագահի ընտրությունների արդյունքով ընդունված որոշման վիճարկման մասին դիմում **ՀՀ սահմանադրական դատարան** կարող է ներկայացվել ընտրությունների արդյունքի պաշտոնական հրապարակման օրվանից հետո՝ **5-րդ օրը, մինչև ժամը 18.00-ն:**
2. Ընտրական իրավունքի խախտման դեպքում՝ հայցադիմումը ՀՀ վարչական դատարան կարող է ներկայացվել օրացուցային **3 օրվա ընթացքում այն օրվանից**, երբ հայցվորն իմացել է կամ ողջամտորեն պարտավոր էր իմանալ իր ընտրական իրավունքի խախտման մասին:
Ընտրական հանձնաժողովների կողմից նախընտրական քարոզչության սահմանված կարգի նկատմամբ հսկողություն իրականացնելու հետ կապված հայցադիմումներ կարող են ներկայացվել **նախընտրական քարոզչությունը սկսվելու օրվանից մինչև քվեարկության հաջորդ օրը ներառյալ**: Այս դեպքում հայցադիմումը կարող է ներկայացվել օրացուցային **3 օրվա ընթացքում այն օրվանից**, երբ հայցվորն իմացել է կամ ողջամտորեն պարտավոր էր իմանալ իր իրավունքի խախտման մասին:
3. Ընտրողների ցուցակներում տեղ գտած՝ **դիմողի անձին չվերաբերող** անճշտությունները վերացնելու, ցուցակներում լրացումներ կատարելու վերաբերյալ վեճերով հայցադիմումները կարող են ներկայացվել ՀՀ վարչական դատարան՝ քվեարկության օրվանից ոչ ուշ, քան 8 օր առաջ:
4. Ընտրողների ցուցակներում տեղ գտած՝ դիմողի անձին վերաբերող անճշտությունները վերացնելու, դիմողին ցուցակում ընդգրկելու վերաբերյալ վեճերով հայցադիմումները կարող են ներկայացվել **պատասխանողի գտնվելու վայրի՝ ընդհանուր իրավասության առաջին ատյանի դատարան՝ ցանկացած ժամանակ**:

| Որոշումներ, գործողություններ (անգործություն) | Ով կարող է դիմում ներկայացնել | Որ դեպքում/լրացուցիչ պայման | Ուր կարող է ներկայացվել դիմումը | Ինչ ժամկետներում |
|--|---|--|--|--|
| Տեղամասային ընտրական հանձնաժողովների որոշումները, գործողությունները (անգործությունը) | <p>Յուրաքանչյուր ոք</p> <p>Վստահված անձը</p> <p>Դիտորդը</p> | <p>Եթե գտնում է, որ խախտվել է կամ կարող է խախտվել իր սուբյեկտիվ ընտրական իրավունքը</p> <p>Եթե գտնում է, որ խախտվել են վստահված անձի կամ իր վստահորդի իրավունքները</p> <p>Եթե գտնում է, որ խախտվել են դիտորդի իրավունքները</p> <p>Եթե գտնում է, որ ստորադաս ընտրական հանձնաժողովը կամ հանձնաժողովը, որի անդամն է ինքը խախտել է իր կամ այլ անձանց որևէ ընտրական իրավունք</p> | <p>Համապատասխան ընտրատարածքային ընտրական հանձնաժողով</p> | <p>Մինչև քվեարկության օրը՝ օրացույցային 2 օրվա ընթացքում այն օրվանից, երբ դիմուն ինացել է կամ որջանտորեն պարտավոր էր իմանալ խախտման մասին:</p> <p>Քվեարկության օրվա ընթացքում՝ քվեարկության օրը կամ քվեարկության հաջորդ օրը՝ ժամը 12:00-ից մինչև ժամը 18:00-ն:</p> |
| Ընտրատարածքային ընտրական հանձնաժողովների որոշումները, գործողությունները (անգործությունը) | <p>Յուրաքանչյուր ոք</p> <p>Վստահված անձը</p> <p>Դիտորդը</p> | <p>Եթե գտնում է, որ խախտվել է կամ կարող է խախտվել իր սուբյեկտիվ ընտրական իրավունքը</p> <p>Եթե գտնում է, որ խախտվել են վստահված անձի կամ իր վստահորդի իրավունքները</p> <p>Եթե գտնում է, որ խախտվել են դիտորդի իրավունքները</p> | <p>Կենտրոնական ընտրական հանձնաժողով</p> | <p>Օրացույցային 3 օրվա ընթացքում այն օրվանից, երբ դիմուն ինացել է կամ որջանտորեն պարտավոր էր իմանալ խախտման մասին:</p> |

| Որոշումներ, գործողություններ (անգործություն) | Ով կարող է դիմում ներկայացնել | Որ դեպքում/լրացուցիչ պայման | Որ կարող է ներկայացվել դիմումը | Ինչ ժամկետներում |
|--|--|---|---|--|
| Կենտրոնական ընտրական հանձնաժողովի անդամները, գործողությունները (անգործությունը) | Յուրաքանչյուր ոք Վստահված անձը Դիտորդը Կենտրոնական ընտրական հանձնաժողովի անդամը | Եթե գտնում է, որ ստորաբաժան ընտրական հանձնաժողովը կամ հանձնաժողովը, որի անդամն է ինքը խախտել է իր կամ այլ անձանց որևէ ընտրական իրավունք | Եթե գտնում է, որ խախտվել է կամ կարող է խախտվել իր սուբյեկտիվ ընտրական իրավունքը | |
| Կենտրոնական ընտրական հանձնաժողովի անդամները, գործողությունները (անգործությունը) | Միայն Հանրապետության խախտության լիարժեք թեկնածուները | Եթե գտնում է, որ ստորաբաժան ընտրական հանձնաժողովը կամ ԿԸՀ-ը խախտել է իր կամ այլ անձանց որևէ ընտրական իրավունք | Վարչական դատարան | Օրացուցային 3 օրվա ընթացքում այն օրվանից, երբ հայցվորն ինացել է կամ ողջամտորեն պարտավոր էր իմանալ իր ընտրական իրավունքի խախտման մասին: |
| Հանրապետության խախտության լիարժեք թեկնածուները, գործողությունները (անգործությունը) | Միայն Հանրապետության լիարժեք թեկնածուները | Եթե գտնում է, որ ստորաբաժան ընտրական հանձնաժողովը կամ ԿԸՀ-ը խախտել է իր կամ այլ անձանց որևէ ընտրական իրավունք | Կենտրոնական ընտրական հանձնաժողով | |

| Որոշումներ, գործողություններ (անգործություն) | Ով կարող է դիմում ներկայացնել | Որ դեպքում/լրացուցիչ պայման | Ուր կարող է ներկայացվել դիմումը | Ինչ ժամկետներում |
|--|---|--|--------------------------------------|--|
| Հանրապետության Նախագահի թեկնածուի գրանցումն ուժի կրող դառնալու դիմում | Միայն Հանրապետության Նախագահի թեկնածուն կամ Կենտրոնական ընտրական հանձնաժողովը | 1) Եթե ներկայացրել է դիմում ինքնաբացարկի մասին 2) Ղատարանի վճռի հիման վրա, եթե նա խայտառել է օրենսգրքի 18-րդ հոդվածի 8-րդ մասի կամ օրենսգրքի 26-րդ հոդվածի դրույթները | Կենտրոնական ընտրական հանձնաժողով | քվեարկության օրվանից ոչ ուշ, քան 10 օր առաջ՝ մինչև ժամը 18.00-ն |
| Հանրապետության Նախագահի թեկնածուի գրանցումն ուժի կրող դառնալու դիմում | Հանրապետության Նախագահի թեկնածուն | Եթե առկա են թեկնածուի գրանցումն անվավեր կամ ուժը կորցրած ճանաչելու հիմքեր | << վարչական դատարան | մինչև քվեարկության օրը |
| Հանրապետության Նախագահի թեկնածուի գրանցումն ուժի կրող դառնալու դիմում | Հանրապետության Նախագահի թեկնածուն | Եթե առկա են թեկնածուի գրանցումն անվավեր կամ ուժը կորցրած ճանաչելու հիմքեր | << վարչական դատարան | Օրացուցային 3 օրվա ընթացքում այն օրվանից, երբ դիմորդն իմացել է կամ ողջանտորեն պարտավոր էր իմանալ խայտառան մասին, սակայն ոչ ուշ, քան քվեարկության նախորդ օրը: |
| Ընտրական տեղամասում քվեարկության արդյունքների անվավեր ճանաչելու մասին դիմում | Հանրապետության Նախագահի թեկնածուն | Եթե գտնում է, որ առկա են համապատասխան հիմքեր | Ընտրատարածքային ընտրական հանձնաժողով | Քվեարկության հաջորդ օրը՝ ժամը 12:00-ից մինչև ժամը 18:00-ն: |
| | Հանրապետության տեղամասային ղեկավարի ընտրական հանձնաժողովի անդամը | Եթե արձանագրությունում կատարել է գրառում հատուկ կարծիք ունենալու մասին | | |

| Որոշումներ, գործողություններ (անգործություն) | Ով կարող է դիմում ներկայացնել | Որ դեպքում/լրացուցիչ պայման | Ուր կարող է ներկայացվել դիմումը | Ինչ ժամկետներում |
|---|--|--|----------------------------------|---|
| | Կենտրոնական ընտրական հանձնաժողովի անդամը | Եթե գտնում է, որ առկա են համապատասխան հիմքեր | | |
| Ընտրությունների արդյունքները անվավեր ճանաչելու մասին դիմում | Հանրապետության Սախագահի թեկնածուն | Եթե գտնում է, որ առկա են համապատասխան հիմքեր | Կենտրոնական ընտրական հանձնաժողով | Ընտրության արդյունքներն անիդիվելու սահմանված ժամկետի ավարտից ոչ ուշ, քան 2 օր առաջ՝ մինչև ժամը 18:00-ն: |

ԴԻՄՈՒՄ ԿԱՄ ԲՈՂՈՔ ԿԱԶՄԵԼՈՒ ՀԱՄԱՌՈՏ ՌԻԴԵՑՈՒՅՑ



Դիմում կամ բողոք ներկայացնելու միատեսակ ձև կամ ձևաթուղթ գոյություն չունի: Դիմում կամ բողոք ներկայացնող անձը կարող է ցանկացած կերպ շարադրել այն: Սակայն՝ դիմումը պետք է պարունակի որոշակի վավերապայմաններ, որոնք պարտադիր են և ընդգծված են ստորև ներկայացված տեքստում: Մնացած կետերը առաջարկություններ են, որոնց ներառումը կօգնի ընտրական հանձնաժողովին Ձեր դիմումը կամ բողոքը համակողմանի քննելու և համապատասխան որոշում կայացնելու հարցում:

1. Նշեք ուր է ներկայացվում դիմումը (բողոքը): Օրինակ՝ թիվ --- ընտրատարածքային ընտրական հանձնաժողով կամ Կենտրոնական ընտրական հանձնաժողով:
2. Նշեք Ձեր անունը, ազգանունը և Ձեր կարգավիճակը, որպես դիմում (բողոք) ներկայացնող սուբյեկտ (թեկնածու կամ թեկնածու -----ի վստահված անձ, թիվ----- ընտրական հանձնաժողովի անդամ և այլն):
3. Նշեք փոստային հասցեն: Դա պետք է լինի այն փոստային հասցեն, որով դուք կստանաք Ձեր դիմումին (բողոքին) առնչվող ծանուցումները:
4. Նշեք Ձեզ հետ կապ հաստատելու այլ միջոցները, հեռախոս, բջջային հեռախոս, էլեկտրոնային փոստի հասցե:
5. Հստակ սահմանեք ձեր պահանջը:
6. Նշեք այն ընտրական հանձնաժողովը (օրինակ՝ տեղամասային ընտրական հանձնաժողով թիվ --- կամ ընտրատարածքային ընտրական հանձնաժողով թիվ ---), որի որոշումը, գործողությունը կամ անգործությունը Դուք բողոքարկում եք:
7. Նշեք Ձեր սուբյեկտիվ ընտրական իրավունքի այն խախտումը, որն առաջացել է ընտրական հանձնաժողովի որոշման, գործողության կամ անգործության հետևանքով:
8. Նշեք, թե երբ է կատարվել խախտումը կամ երբ եք իմացել դրա մասին:
9. Փորձեք նշել խախտումը հիմնավորող/սահմանող հոդվածը Ընտրական օրենսգրքում:
10. Բերեք հիմնավորումներ:
11. Փորձեք ներկայացնել ապացուցողական նշանակություն ունեցող փաստեր (օրինակ՝ վկաների անուններ և ցուցմունքներ, լուսանկարներ, տեսաձայնագրություններ և այլն):
12. Նշեք դիմումը (բողոքը) ներկայացնելու օրը, ամիսը, տարին:
13. Ստորագրեք Ձեր դիմումը (բողոքը):

